

Slaap, my kindjie, slaap sag

Slaap, my kindjie,
slaap sag, onder
rose vannag.
Eers die armpies
om my nek
en dan warmpies
toegedek.
Môre vroeg, as
God wil, word my
kindjie gewek;
môre vroeg, as
God wil, word my
kindjie gewek.

Slaap, my kindjie,
slaap sag, onder
eng'le se wag;
hulle toon jou in
'n droom kindjie
Jesus se boom.
Slaap nou soet,
hulle wys
jou 'n
droomparadys,
Slaap nou soet,
hulle wys jou 'n
droomparadys.

WOORDE: JAN F.E. CELLIERS (FAK)

Met 'n mandjie rose

Liefste Tannie, ons bring rosies,
rosies blink met môredou;
mooie kleurtjies, soete geurtjies,
en dis alles net vir jou!
Rosies fluister: "Liefde, soentjies",
in verbloemde blommetaal;
rosies fluister: "Liefde, soentjies",
in verbloemde blommetaal.

WOORDE: A.G. VISSER (FAK)